



Pou Biblikasyon Imedya: 03/06/2022

GOUVÈNÈ KATHY HOCHUL

GOUVÈNÈ HOCHUL ANONSE RICHARD BERKLEY PRAL REJWENN DEPATMAN SÈVIS PIBLIK LA KÒM DEFANSÈ KONSOMATÈ

Defansè konsomatè long dat sèvis publik yo pote plizyè ane ekspètiz nan zafè pwoteksyon konsomatè pou ede DPS pwoteje plis enterè kliyan yo

Gouvènè Kathy Hochul te anonse jodi a ke Depatman Sèvis Publik (Department of Public Service, DPS) Eta New York la te nonmen Richard Berkley kòm Defansè Konsomatè Eta a. Berkley te devwe karyè li pou defann konsomatè sèvis publik yo, sa gen ladan kòm Direktè resan Public Utility Law Project (Pwojè Lwa Sèvis Publik, PULP) la - prensipal gwoup siveyans konsomatè sèvis publik yo nan New York.

"Administrasyon mwen an angaje pou li anboche sila yo ki meyè ak pi entelijan pou sèvi ak defann enterè Nouyòkè yo", **Gouvènè Hochul te deklare**. "Richard Berkley gen yon long istwa nan sèvis publik ak defans konsomatè, epi li kalifye espesyalman pou pwoteje enterè konsomatè New York yo".

Nan wòl sa, Mesye Berkley pral dirije Biwo Sèvis Konsomatè (Office of Consumer Services, OCS) Depatman an epi pral konseye Direktè Egzekitif Jeneral Depatman an sou zafè ki gen pou wè ak pwoteksyon konsomatè, plent kliyan, tandans kliyan ki egzije envestigasyon ak règleman sou aksesibilite.

Direktè Egzekitif Jeneral Depatman Sèvis Publik la, Rory M. Christian, te deklare, "Depatman an swete byenvini ak Mesye Berkley dèské li rejwenn nou nan egzekisyon ak elaborasyon règleman nasyonal pou pwoteksyon konsomatè yo. Pandan n ap pran mezi odasye pou fè tranzisyon nan yon ekonomi enèji pwòp, nou dwe rete konsantre sou garanti ke sèvis publik enèji esansyèl yo abòdab epi tout konsomatè yo, sa gen ladan kominote defavorize yo, pwoteje. Siksè eksepsyonèl Mesye Berkley kòm yon defansè konsomatè pral ede nou atenn objektif enpòtan sa yo".

Richard Berkley, Direktè Egzekitif Jeneral Sòtan Public Utility Law Project of New York la, te deklare, "Mwen remèsyé Gouvènè Hochul ak Prezidan Komisyon Sèvis Publik (Public Service Commission, PSC) la, Rory Christian, pou opòtinite eksepsyonèl sa dèské li rejwenn travay pwoteksyon konsomatè vital Depatman Sèvis Publik la. Apre anpil ane ap travay nan tèt kole avèk Komisyon an, DPS ak ekip enèji Gouvènè a sou

pwoblèm konplèks sèvis publik New York yo, mwen kontan rejwenn sèvis Eta a kòm Defansè Konsomatè yo epi ede nan pwogrè Eta a sou objektif dekabonizasyon nasyonal li yo ki ekilibre responsabilite klimatik ak aksesibilite li pou tout moun".

Defansè Konsomatè yo ka fè prezantasyon bay Komisyon Sèvis Publik Eta (PSC) a nan reyinyon chak mwa li yo sou konklizyon yo, voye rapò regilye bay Komisyon ki evalye aksesibilite nan sèvis publik yo epi bay rekòmandasyon sou règleman. Defansè Konsomatè a pral òganize fowòm avèk konsomatè yo ak pati konsène yo nan kominote a ak divès sektè endistri yo epi fè rekòmandasyon konsènan nesesite lejislasyon an si sa nesesè.

Biwo Sèvis Konsomatè yo se dezyèm pi gwo biwo ajans lan avèk apeprè 20 pouzan mendèv la ki reprezante enterè konsomatè yo nan tout aktivite ke se Komisyon an ki sipèvize yo. Biwo a resevwa ak rezoud plent konsomatè yo epi itilize opinyon konsomatè yo pou elabore règleman konsomatè a.

Sitou, biwo a te jwe yon wòl prensipal nan elabore règleman sou aksè nan enèji ki koute 367 milyon dola ki te apwouve dènyeman pou bay rabè chak mwa pou kliyan ki gen revni ki kalifye yo, epi ap dirije dekèsman 250 milyon dola Eta a apati bidjè eta Ane Fiskal 2023 a ki te adopte dènyeman an pou redui reta nan sèvis publik konsomatè yo.

Mesye Berkley gen sèt ane eksperyans nan dosye ak pwoblèm sou enèji, telekominikasyon ak dlo nan pòs li nan Public Utility Law Project la, ansann ak plizyè ane angajman avèk regilatè sèvis publik New York la nan pòs gouvènman eta anvan yo epi kòm yon avoka pou Vil New York. Pa konsekan, li byen konnen pwoblèm ki pètinan ak konpetans Defansè Konsomatè a.

Anplis zafè egzèse devan Depatman an ak PSC, Mesye Berkley gen yon gwo eksperyans sou pwoblèm ki konsène Depatman an ak PSC. Li te travay kòm yon konseye nan telekominikasyon pou Vil New York, ki ba li eksperyans pou travay avèk pwoblèm wo debi, televizyon avèk kab ak entènèt epi kontra teknolojik yo. Li te travay anvan sa tou kòm yon avoka pou Komisyon Sèvis Publik Wisconsin nan epi te bay asistans pou rechèch ak litij pou divizyon nan elektrisite, gaz ak dlo, ansann ak rechèch pou konseye jeneral ak komisè yo.

###